

NICOLAUS TRONVS vel TRIBVNVS II. DVX LXVII.

Electus die 23. Novemb. Anno 1471 obiit 28. Iulii Anno 1473.

MONIMENTVM ANTIQVVM.

*Hic Thronus athereis Dux est demissus ab astris,
Vt Persam Veneto iungeret Imperio.*



IN Turcas ferociente Persa, Maurus Princeps decum-
bit, eiusq; in sacra expeditione socius Nicolaus Thro-
nus subrogatur, Legatus olim extraordinarius ad Ro-
manum Pontificem, & D. Marci Procurator. Persarū
iste Legatos audiit, quibus nomine Vsumcassani bel-
lica tormenta petentibus satisfecit, adiunctis muneribus, quæ erga
Regem Veneta in testarentur amicitiam & munificentia. Veneti
& Pōtificii rubore suffusi, quod nil adhuc præclare gessissent, Smyr-
nam eo ardore appulerunt *Mocenico* Duce, quod unica impressione,
deletis propugnatoribus arcem expugnaverint munitissimam. In
Ciliciam inde nunc Caramaniam navigarunt (cuius Reguli inopiā
fatigati, Turcico præmebantur imperio) & Corcyrū æneis prostrat-
um machinis, Seleuciamque urbem suo satis conditore illustrem
expugnarunt, suisq; dominis restituerunt. Ad Mycrā munitissimā
arcem, in quam Venetus castra posuerat, Aiasbegus occurrit validi
ductor exercitus, initoq; certamine, anceps victoria nutavit, donec
cadente